

濟寧直隸州志

第三本

卷二十一

宦蹟

前二十三頁

卷二十二

宦蹟下

計五十七頁

宦蹟上

前事之不忘後事之師也志宦蹟蓋以爲後人之則倣非僅功德之不可泯而已也雖州志例不及都水河隄節鎮若其功德之被于一方者實足爲後人之觀法又爲旌節所駐之地寧可沒乎故舊志名宦所述仍而不省凡增傳四十餘人詩云雖無老成人尚有典型斯之謂矣

○漢

○袁安字邵公汝南汝陽人也少傳祖父良學爲人

濟寧直隸州志

卷二十一

宦蹟

一

嚴重有威見敬于州里後舉孝廉除陰平長任城令所在吏人畏而愛之楚王英謀逆下郡復考三府舉安能理劇拜楚郡太守是時英辭所連及繫者數千人安理其無明驗者分別具奏得出四百餘家歲餘徵爲河南尹在職十年京師肅然名重朝廷尋爲司空遷司徒和帝卽位竇太后臨朝后兄車騎將軍憲等盡樹其親黨賓客于名都大郡皆賦歛吏人更相賂遺其餘州郡亦復望風從之安與司空任隗舉奏諸二千石又它所連及貶職免官者四十餘人竇氏大恨安以天子幼弱外戚

擅權每朝會進見及與公卿言國事未嘗不噫嗚
流涕自天子及大臣皆恃賴之四年春薨朝廷痛
惜焉後漢書本傳

○周磐字堅伯汝南安成人遊京師學古文尚書洪
範五行左氏傳好禮有行非典謨不言諸儒宗之
居貧養母儉薄不充嘗誦詩至汝墳之卒章慨然
而嘆乃解韋帶就孝廉之舉和帝初拜謁者除任
城長遷陽夏重合令頻歷三城皆有惠政後思母
棄官歸鄉里後漢書本傳

○劉儒字叔林東郡平陽人郭林宗嘗謂儒口訥心
濟寧直隸州志 卷二十一 官蹟 二
辯有圭璋之質察孝廉舉高第三遷侍中桓帝時
數有灾異下策博求直言儒上封事十條極言得
失辭甚忠切帝不能納出為任城相頃之徵拜議
郎會竇武事下獄自殺後漢書本傳

○劉祐字伯祖中山安國人安國後別屬博陵祐初
察孝廉補尚書侍郎閑練故事文札強辨每有奏
議應對無滯為僚類所歸除任城令兗州舉為尤
異遷揚州刺史靈帝初陳蕃輔政以祐為河南尹
及蕃敗祐黜歸卒于家明年大誅黨人幸不及禍

○楊秉字叔節隱居教授四十年應司空辟拜侍御
史頻出為豫荆徐兗四州刺史遷任城相自為刺
史二千石計日受俸餘祿不入私門故吏齋錢百
萬遺之閉門不受以廉潔稱見後漢書
楊震傳

○荀彧字文若潁川人少有才名何顥見而奇之曰
王佐才也中平中舉孝廉再遷兗父令後漢書
本傳

○南朝宋

○羊規之太山鉅平人晉太僕卿琇之五世孫宋任
城令魏世祖南討至鄒山規之與魯郡太守崔邦
利及其屬縣徐通愛猛之等俱降賜爵鉅平子拜

濟寧直隸州志

卷二十一

官蹟

三

雁門太守見魏書
羊祉傳

○北魏

○李湛永安初為任城太守二年北海王元顥入洛

湛舉義兵見魏書
徐遵明傳

○唐

○賀公闢元時為任城令有治行李白作任城縣廳
壁記盛稱之賀公不知名或
云知章者非

○庾賁字文明潁川人為任城尉擢郎官御史出為
龔邱令有治績據大歷五年李陽冰龔邱令
庾公德政頌碑碑今在寧陽

○宋

○李端懿字元伯性和厚喜問學通陰陽醫術星經地理之學七歲授如京副使侍真宗東宮尤所親愛嘗解方玉帶賜之稍長出入宮禁如家人七遷濟州防禦使爲羣牧副使杜衍爲樞密擇外戚子弟試外官乃以端懿知冀州爲政循法度民愛其不擾轉運使移州捕妖人李教教已死恩州王則據城叛人有言教不死在賊軍中遂降單州團練使後知鄆州兼京東西路安撫使是歲京東水民多饑大發倉廩以賑之置弓手局教以戰鬪遂如精兵治汶陽堤百餘里以却水患民便之卒諡良

定

宋史外
戚傳

○王能廣濟軍定陶人初事州將袁彥太宗在晉邸召置左右卽日補內殿直六遷至殿前左班指揮使咸平初自捧日右廂都指揮使出爲濟州團練使知靜戎軍建議決鮑河斷長城口北注雄州塘水爲戎馬限方舟通漕以實塞下又開方田靜戎順安之境北邊來寇能擊走之初真宗詢軍校勤勇者委以方面因語宰相曰陶王能頗宣力公家才固難全拔十得五亦有助也景德初擢本州防禦使大中祥符三年拜侍衛步軍副都指揮使領

曹州觀察使復爲鎮定副都部署兼知定州天禧元年轉都指揮使領保靜軍節度使是冬代還入見累表求解制授彰信軍節度罷軍職赴鎮明年卒贈太尉

宋史本傳

○畢士安字仁叟代州雲中人開寶四年濟州團練推官專掌筦權歲課增羨改兗州觀察推官景德中歷平章事真宗嘗稱爲善人又曰士安由朕東官以至輔相飭躬必行有古人風

宋史本傳

○姚鉉字寶之廬州合肥人也太平興國八年進士解褐大理評事知潭州湘鄉縣三遷殿中丞通判

濟寧直隸州志

卷二十一

宦蹟

五

簡宣昇三州淳化五年直史館至道初遷太常丞充京西轉運使歷右正言右司諫河東轉運使咸平三年河決鄆州王陵埽東南注鉅野入淮西城中積水壞廬舍以鉉知州事徙州於汶陽鄉之高原委以營度許便宜從事工畢加起居舍人京東轉運使徙兩浙路

宋史本傳

按兗州府新志云鉉于咸平二年知濟州而宋史及府志原編皆無是語姑從闕疑

○劉隨字仲豫開封考城人進士及第爲永康軍判官軍無城堞每伐巨木爲柵壞輒以他木易之頗

用民力隨因令環植楊柳數十萬株使相連屬以爲限界民遂得不擾屬縣令受賕鬻獄轉運使李士衡托令于隨不從士衡憤怒乃奏隨苛刻不堪從政罷歸後改大理寺丞爲詳斷官李溥以贓敗事違權貴有司希旨不窮治隨請再劾之卒抵溥罪晁迥薦通判益州呂夷簡安撫川陝又言其材以太常博士改右正言數月坐嘗爲開封府發解巡捕官而不察舉人私以策辭相授降監濟州稅稍徙通判晉州還朝遷右司諫爲三司戶部判官隨在諫職數言事又諫太后不宜數幸外家太后

不悅會隨請外出知濟州改起居郎久之遷尚書刑部員外郎入兼侍御史知雜事未幾權同判吏部改三司鹽鐵副使使契丹以病足痺辭不能拜及還爲有司劾奏奪一官出知信州徙宜州再遷工部郎中知應天府召爲戶部副使改天章閣待制不旬口卒隨與孔道輔曹修古同時爲言事官皆以清直聞隨臨事明銳政行在蜀人號爲水晶

澄籠

宋史本傳

○李師中字誠之楚邱人年十五上封事言時政父緯爲涇原都監夏人十萬犯鎮戎緯帥兵出戰而

帥司所遣別將郭志高逗遛不進諸將以衆寡不敵不敢復出緯坐責降師中詣宰相辯父無罪時呂夷簡爲相詰問不屈夷簡怒以爲非布衣所宜言對曰師中所言父事也由是知名舉進士鄜延龐籍辟知洛川縣龐籍爲樞密副使薦其才召對轉太子中允知敷政縣權主管經畧司文字夏人以歲賜緩移邊曰願勿逾歲暮詔吏報許師中更牒曰如故事樞密院劾爲擅改制書師中曰所改者郡牒耳非制也朝廷是之薄其過提點廣西刑獄還知濟兗二州濟水堙塞久師中訪故道自兗

城西南啟鑿之功未半而去遷直史館熙寧初拜天章閣待制河東都轉運使西人入寇以師中知秦州以罪削職知舒州徙洪登齊復待制知瀛州貶和州團練副使安置遷右司郎中卒年六十六

宋史本傳

○謝文瓘字聖藻陳州人進士甲科教授大名元豐中上疏言臣下推行新法多失本意而撈笞禁錮民受其虐措克聚斂不勝多門其不急之征非理之取宜罷減之大臣以爲訕朝廷議置之罪神宗曰彼謂奉法者非其人爾匪訕也哲宗時御史中

丞黃履薦爲主簿三年不詣執政政府召對除秘書
省正字考功右司員外郎紹聖末都水使者議建
廣武四埽石岸朝廷命先治岸數十步以驗其
可否黃流湍悍役人多死一方甚病功不可成而
使者申前說愈力文瓘條別利害罷其役徽宗立
擢起居舍人給事中詔修神宗寶訓遼主洪基殂
使往弔之令從者變服而入貶秩二等崇寧元年
出知濮州尋治黨事坐元豐上疏及嘗詣呂公著
書再調邵武軍移處州帝披黨籍曰朕究知文瓘
本末命出籍廼以爲集英殿修撰知濟州卒

宋史本傳

○陳堯咨字嘉謨閬州閬中人舉進士第一授將作
監丞通判濟州貶單州團練副使起至翰林學士
以安國軍節度觀察留後知鄆州建請濬新河自
魚山至下杷以導積水拜武信節度使卒謚康肅
堯咨以氣節自任工隸書善射兄弟同時貴顯推
爲盛族

宋史本傳

館累遷戶部度支判官真宗北征領隨軍糧草事以右正言知制誥權判吏部流內銓尋爲東京留守判官判登聞鼓院封泰山攝御史中丞考制度副使所過得採訪官吏能否及民利病以聞東封還近臣率頌功德起獨以居安爲戒進金部員外郎判集賢院初置糾察刑獄司因命起起廼請諸已決而事有所枉及官吏非理榜掠者並聽受訴從之擢樞密直學士權知開封府起聽斷明審舉無留事改勾當三班院兼判登聞檢院從祀汾陰留權知河中府徙永興天雄軍所至有風烈數賜

書褒論三遷右諫議大夫知并州拜給事中同知樞密院事進禮部侍郎爲樞密副使起素善寇準準且貶起亦罷爲戶部郎中知青州又降太常少卿知光州稍遷秘書監徙揚杭二州又徙應天府復爲禮部侍郎判登聞鼓院以疾請知潁州徙陳州汝州卒贈禮部尚書謚安惠

宋史本傳

○蔡齊字子思其先洛陽人徙萊州真宗朝舉進士事仁宗官至參政謚文忠齊喜酒旣登第通判濟州

宋史作兗州

日飲醇酎往往至醉時母年已高頗憂

之一日賈同過濟齊館之數日同慮其以酒廢事

生疾乃爲詩示之齋起謝自是非親客不對酒終
身未嘗至醉

據名臣
言行錄

○王曾字孝先青州益都人以將作監丞判濟州代
還當召試學士院宰相冠準奇之特試政事堂授
秘書省著作郎直史館三司戶部判官遷右政言
知制誥兼史館修撰判大理寺遷翰林學士再遷
尚書主客郎中知樞密院通進銀臺司勾管三班
院遂以右諫議大夫叅知政事時宮觀皆以輔臣
爲使王欽若方挾符瑞傳會帝意又陰欲排異已
者罷曾爲尚書禮部侍郎判都省出知應天府天

禧中民間訛言有妖起若飛帽夜搏人自京師以
南人皆恐曾令夜開里門敢倡言者卽捕之卒無
妖徙天雄軍復叅知政事遷吏部侍郎兼太子賓
客仁宗立遷禮部尚書拜中書侍郎兼本官同中
書門下平章事集賢殿大學士會靈觀使王欽若
卒曾以門下侍郎兼戶部尚書爲昭文館大學士
監修國史王清昭應宮使太后左右姻家稍通請
謁曾多所裁抑太后不悅會王清昭應宮災乃出
知青州以彰信軍節度使復知天雄軍改天平軍
節度使同中書門下平章事判河南府景祐元年

爲樞密使明年拜右僕射兼門下侍郎平章事集賢殿大學士封沂國公初呂夷簡叅知政事事會謹慎會力薦爲相及夷簡位會上任事久多所專決會不能堪議論間有異同遂求罷仁宗疑以問會曰卿亦有所不足邪時外傳知秦州王繼明納賂夷簡會因及之帝以問夷簡會與夷簡交論帝前會言亦有過者遂與夷簡俱罷以左僕射資政殿大學士判鄆州寶元元年冬大星晨墜其寢左右驚告會曰後一月當知之如期而薨年六十一贈侍中謚文正

宋史本傳

○李迨東平人以蔭補官累遷通判濟州高宗以大元帥過濟郡守自以才不及迨迨行州事應辦軍需無闕會大元帥府勸進乘輿儀物皆未備迨諳熟典故裁定其制不日而辦帝深嘆賞卽除隨軍輦運紹興間累至龍圖閣待制知洪州尋丐祠卒

宋史本傳

○劉顏字子望彭城人少孤好古學不專章句師高弁舉進士第以試祕書省校書郎知龍興縣坐法免久之授徐州文學居鄉里教授數十百人採漢唐奏議爲輔弼名對馮元劉筠錢易滕涉蔡齊上

其書除任城主簿歲饑發大姓所積粟活數千人
李廸知兗州青州皆辟爲從事卒著儒術通要經
濟樞言復數十篇石介見其書嘆曰恨不在弟子
之列宋史本傳

○金

○徐文字彥武萊州掖縣人爲密州板橋左十將勇
力過人隸王龍圖麾下與夏人戰生擒一將補進
武校尉還破賊楊進等轉承信郎宋康王召爲樞
密准脩將以功遷淮東浙西沿海水軍都統制諸
將忌其才勇譖之奔齊齊廢以文爲南京步軍都

濟寧直隸州志

卷二十一

宦蹟

三

虞候權馬步軍都統指揮使歷武義將軍知濟州
在任七年終定海軍節度使以覃恩遷龍虎衛上

將軍金史本傳

○僕散渾坦蒲與路挾瀕人身長七尺勇健有力善
騎射年十六初授修武校尉爲宗弼扎也天眷二
年與宋岳飛相拒渾坦領六十騎深入覘伺至鄆
陵敗宋護糧餉軍七百餘人多所俘獲皇統九年
除慈州刺史再遷利涉軍節度使授世襲濟州和
木海鸞猛安涉里幹設謀克貞元初以憂去官起
復舊職歷泰寧永定軍改咸平尹海陵殺渾坦弟

樞密使忽土召渾坦至南京既見沉思久之謂之曰汝有功舊不因忽土得官以此致罪甚可憐憫遂釋之改興平軍節度使顯德軍慶陽尹致仕大定十二年上思舊功起爲利涉軍節度使復以金紫光祿大夫致仕卒年七十二渾坦性沉厚有識雖未嘗學問明於聽斷所至有治聲金史本傳

○紇石烈胡刺晦發川寧敦河人徙西北路識契丹字爲帥府吏梁王宗弼復陝西久不道問睿宗在燕京遣胡刺往候之是時宗弼自鳳翔攻和尚原使胡刺視彼中地形修道築城十二年往濱州密

訪南邊事體及觀劉豫治齊狀盡得其虛實睿宗甚嘉之天德初以監察御史分司行臺歷同知濟州防禦使事入爲監察御史秋滿再任大定二年遷刑部員外郎與御史大夫白彥敬往西北部族市馬三遷蒲與路節度使移寧昌軍卒金史本傳

○李瞻薊州玉田人遼天慶二年進士爲平州望雲令張覺據平州以瞻從事宋王宗望復平州覺亡去城中復叛瞻踰城出降其子不能出爲賊所害宗望嘉之承制以爲興平府判官天會三年遷大理少卿從宗望南伐爲漢軍糧料使四年金兵圍

汴宋人請割河北三鎮贍與禮部侍郎李天翼安撫河北東西兩路略定懷濟衛等州衛湯陰等縣七年知寧州累遷德州防禦使爲政寬平民懷其惠相率詣京師請留者數千人貞元三年遷濟州路轉運使改忠順軍節度使正隆末盜賊蠭起贍增築城壘爲備人賴以安大定初卒于官

金史循吏傳

○劉煥中山人金天德元年進士調任城尉縣令貪污煥每規正之秩滿令持盃謝曰尉廉慎使我獲

考一統

○元

○石珪泰安新泰人宋徂徠先生守道裔孫也世以讀書力田爲業體貌魁偉膂力過人倜儻不羈金貞祐南渡兵戎四起珪率少壯負險自保與滕陽陳敬宗聚兵山東破張都統李霸王兵于龜蒙山已而引其麾下歸元木華黎承制授珪濟兗單三州兵馬都總管後金棄東平珪與嚴實分據收輯濟兗沂滕單諸州癸未詔授金紫光祿大夫東平兵馬都總管山東諸路都元帥其年珪領兵至曹州與金將鄭從宜連戰數晝夜糧絕援兵不至軍無叛意珪臨陣馬仆被擒囚至汴金主壯其爲人

誘以名爵珪憤然曰吾身事大朝官至光祿復能受封他國耶假我一朝當縛爾以獻金主大怒蒸殺于市珪怡然就死色不變其麾下立祠兗州祀焉子天祿襲爵字魯承制授龍虎衛上將軍東平路元帥佩金虎符時宋將彭義斌取大名及中山天祿與字里海率兵敗之獲義斌又敗金將武仙屢立戰功丙戌字魯以功奏遷金紫光祿大夫都元帥鎮戍邊隅數與金人戰未嘗敗北壬辰皇太弟拖雷南渡河天祿爲前鋒戰退金兵奪戰船數艘夜至歸德城下襲其營殺三百餘人金將陳防

禦出兵追圍天祿天祿潰圍復戰金兵退走提兵掠毫及徐所過望風附降癸巳秋九月破考城復圍歸德冬十二月歸德降甲午入覲改授征行千戶濟兗單三州管民總管乙未從扎剌溫火兒赤渡淮攻隨州至襄陽夾河寨戰退宋兵扎剌溫火兒赤賞以戰馬又從攻蘄黃功居其首時詔天祿括戶東平軍民賦稅並依天祿已括籍冊嚴實不得科收天祿以病不任職以子興祖襲明年天祿

卒年四十四

元史本傳

○胡祗通字紹聞磁州武安人少孤既長讀書見知

於名流中統初張文謙宣撫大名辟員外郎明年入爲中書詳定官至元元年授應奉翰林文字尋兼太常博士調戶部員外郎轉右司員外郎兼左司時阿合馬當國進用群下官冗事煩祇適建言省官莫如省吏省吏莫如省事以是忤權奸出爲太原路治中兼提舉本路鐵冶將以歲賦不辦責之及蒞職乃以最聞改河東山西道提刑按察副使宋平爲荆湖北道宣慰副使有佃民訴其田主謀爲不軌者祇適察其寃坐告者十九年爲濟寧路總管上人事於樞府言軍政曰役重曰逃戶曰

貧難曰正身入役曰僞署文牒曰官吏保結曰有名無實曰合併偏頗樞府以其言著爲定法濟寧移治鉅野縣自國初經兵戈其廢已久民居未集風俗樸野祇適選郡子弟擇師教之親爲講論久之治効以最稱升山東東西道提刑按察使所至抑豪右扶寡弱以敦教化以厲士風民有父子兄弟相訟者必懇切論以天倫之重不獲已則繩以法召拜翰林學士不赴改江南浙西道提刑按察使未幾以疾歸二十九年朝廷徵耆德者十人祇適爲之首以疾辭三十年卒年六十七延祐五年

贈禮部尚書謚文靖子持太常博士元史本傳

○答里麻高昌人至治元年除濟寧路總管興學勸

農百廢俱修府無停事濟陽縣有牧童連擊野雀

誤殺同牧者繫獄數歲答里麻曰小兒誤殺同牧

者實無殺人之意難以定罪罰銅遣之元統三年

遷山東廉訪使時山東盜起白晝殺掠答里麻以

為官吏貪污所致先劾去之再上擒賊方略朝廷

嘉納之即遣兵擒獲齊魯以安官終陝西行臺中

丞元史參覓州府志

○董搏霄字孟起磁州人由國子生歷官浙東宣慰

濟寧直隸州志 卷二十一 宦蹟 七

副使所至理冤獄革弊政才譽甚著後為濟寧路

總管從征安豐濠州有功毛貴陷益都般陽等路

濟南告急搏霄援之賊眾自南山來搏霄按兵城

中並伏兵澗次先以少挑戰賊眾悉至遂合擊大

破之般陽賊聞之復悉眾夜襲濟南攻南門搏霄

列兵城上弗為動黎明乃開東門繞出賊後大開

南門合擊之賊眾悉潰殲焉自是濟南始寧後官

河南行省右丞為毛貴兵所害追封魏國公謚忠

定元史本傳

○冀德方字正甫濮之朝城人初為曲阜沛上達魯

花赤所至有聲至元二十一年來監濟寧時新漕始通舟車交集使傳旁午德方內理公務外兼酬應俱優爲之公暇肩輿循保社詢戶力強弱列等差于籍徭則按籍均之民無擾焉訟者諄切誨以義理公庭無鞭扑聲久之獄訟衰息境內無事乃構大成殿以妥先聖作春輝堂以燕賓客開力學館延名儒主師席選民間俊秀子弟教育之多所造就築趙村以南堤三十里行者無揭厲之苦地名黃土灣者素污下夏秋之交霖潦橫至民居有漂溺者德方訪故渠導水達隍中居者以安二十

八年召爲監察御史百姓遮道挽留馬不能前三十年爲立去思碑舊志下同者省注

○李宗武字克誠一作成洛陽人大德初由戶部員外

郎出知濟州門絕私謁甫下車卽陰捕向怙勢攘奪者置於法豪強歛跡聽訟日簡遂振興學校創尊經閣朔望謁廟必躬率僚吏諸生揖教官升堂延之坐執經講論疑難答問期明理而後已又禮聘師儒于別館聚徒受業俗爲之一變州治舊有譙門金季燬于兵重建以還舊觀凡社稷神祠無不舉而新之憲司以爲才他郡有獄久不決以付

宗武立辨明年六月淮南山東蝗大起尋入境忽
大風掃蕩無餘茂大稔士民歌之以爲德政所感
云州之爲治也水陸交衝使傳絡繹宗武時使薄
歛以足公用先衆後寡以均力役故奸弊絕而民
不擾四年受代去民咸思之據萬歷志
去思碑

○畢輔國奉符人濟州判官元憲宗七年於汶水之
左作斗門遏汶水入洸通泗以餉宿斬戍邊之衆
且以漑濟充間田民甚賴之泉河史叅
運河脩覽

○赤琰顯忠字遂良其先世居遼之樸速府以功賜
姓赤琰氏父泉山符離簿襲爵千夫長金亡走宋

濟寧直隸州志 卷二十一 宦蹟 九

復歸元辭爵隱于曹州顯忠初爲濟寧判官撫民
以誠得首所隱官舍二千七百餘間創養濟院以

舍無告民歸之增戶口一千有奇官至兩浙都轉
運使歷任皆有宦績延祐二年以恩晉忠順大夫

濟寧郡伯後流寓魚臺大聶村子孫家焉兗州府
志流寓

○張楷字道寧少讀書每至夜分年十五以詞賦中
選補東平府學生翰林學士徐威卿深器重之辟

爲范縣壽張教諭前至元初設太常寺立翰林國
史院遂以楷兼掾兩司增修文禮多所稽考轉戶

部令史以親老出主濟南簿時興兵伐宋供億繁

浩一無所失遷濟州判官濟居南北要衝屬江左甫定奏捷貢覲者踵接謀民飛輓絡繹道路楷上章中書請東引汶泗漚任城以通江淮之漕北輸京師此萬世利也否則民疲極而潰將廢厥事詔從之卒鑿渠爲四牐置漕運司于濟州以楷爲經歷贊畫有方舳艫相啣聚糧山峙由運司歷行都水監丞轉同知曹州事告老東歸授朝列大夫司農丞致仕

○楊桓字武子兗州人幼警悟讀論語至宰予晝寢章慨然有立志由是終身非疾病未嘗晝寢弱冠

爲郡諸生一時名公咸稱譽之中統四年補濟州教授後由濟寧路教授召爲太史院校書郎奉敕撰儀表銘歷日序文辭典雅賜楮幣千五百緡辭不受遷秘書監丞至元三十一年拜監察御史有得玉璽于木華黎曾孫碩德家者桓辨識其文曰受天之命旣壽永昌乃頓首言曰此歷代傳國璽也亡之久矣今宮車晏駕皇太孫龍飛而璽復出天其彰瑞應於今日乎卽爲文述璽始末奉上于徽仁裕聖皇后成宗卽位桓疏上時務二十一事帝嘉納之未幾陞秘書少監預修大元一統志秩

淵歸兗州以賢業悉讓弟楷鄉里稱焉大德三年以國子司業召未赴卒年六十六桓爲人寬厚事親篤孝博覽群籍尤精篆籀之學著六書統六書泝源書學正韻大抵推明許慎之說而意加深皆行于世

元史本傳

○夾谷之奇字士常其先出女真加古部後訛爲夾谷由馬紀領撒曷水徙家于滕州之奇少孤舅杜氏攜之至東平因受業于康授濟寧教授辟中書省掾大兵南伐宋授行省左右司都事時行省官與中書權臣有隙特遣使覈其財用而之奇職

文書亦被按問張宏範率其屬詣使者言夾谷都事素公情若少有侵漁宏範當與連坐會御史臺立擢之奇僉江南浙西道提刑按察司事歷遷吏部尚書卒之奇慮識精審明于大體而不忽細微爲政卓卓可稱雖老于吏學者自以爲不及爲文尤簡嚴有法

元史本傳

○李綱字文晦濟南人泰定中以汝寧府判來守濟州有善政下令境內曰民毋犯法吏毋舞法百爾執事毋曠厥職業乃條孝弟忠信禮義廉恥之事爲勸民直言令民誦之俾知所向背嚴于捕盜盜

有爲他縣獲者訊之云濟守捕急因竄此廣學舍四十楹暇則躬課諸生旌勤懲惰久無倦色歲蝗以牲酒禱之蝗不爲災歲旱禱于天引咎自責立雨遂大稔河決都水監發山東民塞焉死者枕藉道路濟民裹糧將行綱控廉訪司留之民歡呼載道他如奏免飼馬治刁陽湖闢爲祭田供祭費公私便之當時麥有一莖四三穗者僉謂綱治行所致郡人白守信作瑞麥圖頌焉監察御史李嗣宗等舉之于朝曰愛民如子馭吏若神尋升福建閩海道廉訪副使後卒于任城館舍於其去也老幼奔走遮留及卒遠近悲慟共登太白樓以衣招之詳元編修觀音奴所撰遺愛碑

○孫撫字自謙曹州人至正二年進士授濟寧路錄事張士誠據高郵叛或謂其有降意朝廷擇烏馬兒爲使招諭士誠而用撫爲輔行撫家居不知也中書借撫集賢待制給驛就其家起之撫強行抵高郵士誠不迎詔使撫等旣入城反覆開諭士誠等皆竦然以聽已而拘之他室或日一饋食或間日一饋食欲以降撫撫惟詬斥而已乃令其黨撫搆肆其陵辱撫不恤也及士誠徙平江撫與士誠

部將張茂先謀將搆所授站馬劄子遣壯士浦四
許誠赴鎮南王府約日進兵復高郵謀泄執搆訊
問搆罵聲不絕竟爲所害後賊中見矢節者輒自
相嗤曰此豈孫待制耶事聞贈翰林侍讀學士中
奉大夫護軍追封曹南郡公謚忠烈賜田三頃
其家

元史忠義傳

